

令王昭君夕馬。周秦行記。月地雲階漫一樽。玉
奴終不負東昏。坡云。奴當作兒。

猪食寄書

僧卞聰遊五臺。有僧以書寄東京勃。至京不見
其人。一日見小兒逐大猪。名勃賀。云此猪能令
群猪不亂逸。愛食薄荷。故名。以書投猪食之人
立而化。洞微志

花月言笑

六帖。武三思有妓名素娥。有殊色。狄梁公請出
之。忽失所在。於堂奧中。開蘭馨芬馥。附耳而聽。

即素娥語曰。某花月之妖。帝遣奉公言笑。梁公
正人。不敢見也。

伐木照恠

燕昭王墓前。班狸化為書生。見張華論文。既退。
華使人防之。不得出。雷煥曰。千年老精。惟千年
枯木照之。則形見。昭王墓前。千年華表矣。乃伐
照之。果班狸也。

瘡畏具母

有人膊上生瘡。如人面。以酒飲之。則赤。食物與
之。張口。歷試諸藥。至具母。則面聚口閉。因決口。

灌之而愈。

烏將軍娶

郭元振下第。自晉之汾。夜行失道。聞女子哭聲。曰。妾鄉有烏將軍。每歲鄉人擇美女嫁焉。未久。將軍入。公取佩刀斷其腕。天明視其手。乃猪蹄也。尋血入大冢中。見大猪無前蹄。走出而斃。錄

鼠畏白老

建州刺史家。月夜見七八白衣。語曰。白老將至。柰何。白衣者鼠也。白老者其家猫名也。唐餘錄

萬鼠啣猫

弘道初。梁州倉有大鼠。長二尺餘。為猫所啣。數百鼠反。啣猫。聚萬餘鼠。州遣人捕殺之。五行志

漸耳制鬼

元日俗於門上畫虎頭。書漸耳。謂陰司鬼名。可息瘡疾。賈陽

裴漸善洞視鬼物。寓書博陵。崔公曰。當今至鬼無過漸耳。宣室志

赤郭啖鬼

南方有人長七寸。朱衣縞帶。赤蛇繞項。惟食惡鬼。朝吞三千。暮吞八百。名曰赤郭。神異經

神荼縛鬼

東海度朔山有桃樹根盤八百里東北曰鬼門有二神名神荼鬱壘能執百鬼黃帝法之立桃板於門塗二神形以禦百鬼山海經

鍾馗啗鬼

明皇疴疾作書夢小鬼奏曰臣乃虛耗也上曰未聞虛耗之名小鬼奏曰虛者望空虛中盜人物如戲耗者即耗人家喜事成憂上怒欲呼武士俄見一大鬼頂破帽衣藍袍繫角帶鞞朝靴徑捉小鬼先剗其目然後擘而啖之上問爾何

人也奏云臣終南山進士鍾馗也夢覺疴疾頓瘳。

鬼母食鬼

南山小虞山有鬼母一產千鬼朝產之暮食之。

述異記

鬼笑營利

劉伯龍家貧甚在家將營什一之利忽一鬼在旁撫掌大笑龍嘆曰貧窮固有命乃為鬼笑耳仕南朝宋為武陵太守南史

鬼不識蟹

筆談閩中無蟹。秦人收得一乾蟹。土人恠其形狀。以為恠物。每人家有病瘡者。借去懸門。尸往遂瘥。不但人不識鬼。亦不識矣。

鬼患腰膺

宋徐秋夫善醫。夜有鬼言。生患腰痛。為鬼猶痛。請為芻人。案孔穴針之。秋夫為針三處。灸四處。明日來謝恩。忽不見。史

妖物類

桑穀生朝

亳有祥桑穀。共生于朝。七日大拱。太戊問於伊

陟。伊陟曰。妖不勝德。君之政。其有關歟。太戊於是修先王之政。明養老之禮。早朝晏退。問疾弔喪。三日而祥桑枯死。

野雉升鼎

武丁祭成湯。有飛雉升鼎耳而雉。祖已訓諸王。武丁內反。諸己以思王道。三年蠻夷編髮重譯來朝者六國。自是章服多用翟羽。鬼方無道。武丁伐而三年克之。殷道復興。號為高宗。

野雉在庫

晉武庫中有野雉。莫知所致。張華曰。雉側必有

蛇蛻焉。蓋蛇化雉也。

野兔在庫

吳武庫中有兔食刀劍。殺之。獲鐵膽。腎鑄為劍。斫削鐵如木。秭。互見兔膽劍。

野狐并座

宋徽宗七年九月。有狐并御榻而坐。時金使李孝和來。

青蛇見座

靈帝二年夏四月。青蛇見御座上。大風雨雷雹。詔公卿言事。光祿勳楊賜曰。王者心有所想。雖

未形顏色。而五星以之推移。陰陽為其變度。夫皇極不建。則有龍蛇之孽。詩云。惟虺惟蛇。女子之祥。惟陛下思乾剛之道。別內外之宜。抑皇甫之權。割艷妻之愛。則蛇變可消。禎祥立應。賜秉之子也。

龍瘖化鼃 見瘖化鼃

雌雞化雄

漢元帝時。有雌雞伏子。漸化為雄。又有雄雞生角。劉向以為小臣執政之象。石顯伏誅之効也。

雄雞生角

靈帝時南宮寺雌雞欲化為雄。但頭冠未變。蔡
邕謂下將有事而未成之象。果有黃巾賊叛而
未成。

雞雞四足

北魏主時崔光曰。雞足多翼多。其下扇動之象。
後果茹皓等伏誅。

貓鼠同乳

代宗時潘鎮跋扈。帝乃因循柔愿。姑息從之。節
度使朱泚獻貓鼠同乳。以為瑞。百官賀之。
鳥鼠同穴

禹貢導渭自鳥鼠同穴。注雍之山名也。孔氏曰。
鳥鼠共為雌雄。同穴。處鼠在內。鳥在外。在今
隴西首陽山。亦猶蛇為匹。獺以榛為婦。物
固有非其偶而偶者。爾雅曰。其鳥為鶡。其鼠
為鼯。音突

野彘入廁

賈妃在廁。野彘入廁。上目郅都往救之。郅都曰。
亡一妃。復一妃。進天下所少。寧妃等耶。

內外蛇鬪

左傳。內蛇與外蛇鬪於鄭南門之中。內蛇死。是

年鄭厲公入殺鄭子申繻曰妖由人興人無暴
音焉妖不自作人弃常則妖興也

增修埤雅廣要卷第四十二

增修埤雅廣要跋

昔周公作爾雅按雅美也正也爾如是也蓋謂游心於翰學者必如是而後美且正也歷世既久載藉寔繁宋陸丞相佃復旁蒐冥引幾四十稔始獲成帙名曰埤雅蓋有以紹周公之舊而翼之也

親藩賢王殿下嘗置

講筵嘆其物理該博。事體詳盡。然於標目序次頗憾焉。以天之尊而倒贅於羣品之末。以鳳之長而溷處於族雉之餘。遂

命侍衛百戶臣牛衷纂而輯之。具三才而總萬物。原始終而觀變化。藝增多類。題曰廣要。仍令臣從政嚴加校訂。釋以音註而梓行之。他日博雅君

子輩一覽。庶則不誤食蟪蛄之謂亦庶幾乎可免夫

大順元年歲次丁丑端月上元吉日

蜀府承奉正嘉林吳從政敬跋

增修卑雅廣要終



臺灣國家圖書館, NATIONAL CENTRAL LIBRARY, TAIWAN, R.O.C.